

**Bosna i Hercegovina
Federacija Bosne i Hercegovine
Unsko-Sanski kanton
JU CENTAR ZA SOCIJALNI RAD
CAZIN**



**Bosnia and Herzegovina
Federation of Bosnia and Herzegovina
Una-Sana canton
PI CENTRE FOR SOCIAL WORK
CAZIN**

Ul. 505. Viteške 38/a, 77220 Cazini; Tel/Fax: +387 37 514 439; Tel: +387 37 512 103

**PLAN RADA
JU CENTAR ZA SOCIJALNI RAD CAZIN
ZA 2018. GODINU**

CAZIN, DECEMBAR 2017.godine



1. UVOD

1.1. OSNOVNI PODACI

1.1.	Firma	JU Centar za socijalni rad Cazin
	Sjedište	505.viteške brigade 38/a, 77220 Cazin
	Telefon	037/514-439
	Fax	037/512-103
	e-mail	Ju_csr_cazin@hotmail.com
1.2.	Registarski broj ustanove	1019062932
1.3.	Porezni/identifikacioni broj ustanove	4263161460007
1.4.	Uprava ustanove	PREDSJEDNIK UO Maida Kovačević,viša.med.sestra
	Ime i prezime predsjednika i članova Upravnog odbora ustanove	ČLAN Muamer Mujić,dip.soc.rad.
		ČLAN Hato Suljić, dipl.ing.elektrotehnike



2. REALIZACIJA POSLOVNE POLITIKE I PLANIRANIH AKTIVNOSTI

2.1. REGISTRACIJA JAVNE USTANOVE

JU Centar za socijalni rad Cazin osnovana je 1976.godine. Kao javna ustanova djeluje do 1998. godine kada je došlo do transformacije svih centara u Kantonalni centar za socijalni rad odnosno Službu socijalne zaštite Cazin. Kao služba djeluje do 01.01.2001.godine kada doživljava još jednu transformaciju, odnosno od navedenog datuma djeluje kao javna ustanova. Razlog druge transformacije, odnosno povratka u djelovanje kao javna ustanova su loši rezultati u radu službi. Nakon druge transformacije kao osnivač ove Ustanove pojavljuje se Grad Cazin, odnosno Gradsko vijeće.

Ustanova je registrirana pod brojem U/I-31/2000. od 11.01.2001.godine i od tog dana u pravnom prometu posluje pod nazivom JAVNA USTANOVA CENTAR ZA SOCIJALNI RAD CAZIN.

2.2. ZAPOSLENI

U prethodnoj 2017.godini u JU Centar za socijalni rad Cazin bilo je ukupno četrnaest zaposlenih.

Poslovi u JU Centru za socijalni rad su podjeljeni na referate, a podjela je napravljena po srodnosti, složenosti, značaju, kao i prema broju radnika. U 2017. godini nismo pravili preraspodjelu poslova jer smo to uradili u 2014. godine, ali ćemo to svakako, zbog stupanja na snagu novog zakona o radu, to morati uraditi u 2018.godine.

2.3. FINANSIRANJE

JU Centar za socijalni rad od 01.01.2012 je direktni korisnik budžeta. Ova Ustanova se finansira iz:

1. Budžeta Općine Cazin /plaće i materijalni troškovi, jednokratne i izuzetne novčane pomoći/



2. Budžeta Kantona /stalne novčane pomoći, naknade majkama porođiljama u radnom i izvan radnog odnosa, 30% CŽR-a, naknada za domski i porodični smještaj/
3. Budžeta Federacije /naknade za CŽR-a (70%) i neratne invalide/.

(Prijedlog plana za budžet dostavljamo gradskoj službi za finansije koji bude uvršten u budžet Općine i koji se kao takav u sklopu budžeta usvaja na Gradskom vijeću).

2.4. USLUGE

Osnovna djelatnost JU Centra za socijalni rad ogleda se u zadovoljavanju potreba građana u oblasti socijalne i dječije zaštite. Rad u Centrima za socijalni rad treba da bude preventivnog i kurativnog karaktera, odnosno da se njegova djelatnost obavlja kroz rad na saniranju uzroka koji dovode do nastanka socijalnih potreba te na saniranju nastalog stanja socijalne potrebe.

Moram navesti da je preventivni rad i dalje zanemaren, iako se poduzimaju aktivnosti oko sanacije uzroka koji dovode do raznih oblika socijalnih potreba, te asocijalnih oblika ponašanja.

Od oktobra 2014.godine svi centri za socijalni rad sa područja Federacije BiH dužni su unositi podatke o aktivnim korisnicima svih prava kroz program „SOTAC“ radi uvezivanja centara za socijalni rad i nadležnih ministarstava, što je i dalje u obavezi Centara. Tokom 2017. godine svi podaci su uneseni, te se unošenje odvijalo bez poteškoća.

2.4.1. STARATELJSTVO (MALOLJETNA I PUNOLJETNA LICA)

Jedno od osnovnih ovlaštenja koje ima JU Centar za socijalni rad Cazini jeste obavljanje poslova Organa starateljstva. Ovi poslovi, njihova primjena i značenje su regulisani odredbama Porodičnog zakona FBiH („Sl.novine FBiH“, broj 35/2005), te Uputstvom o vođenju evidencije i dokumentacije o osobama stavljenim pod starateljstvo, o poduzetim mjerama starateljstva i o imovini šticenika („Sl.novine FBiH“, broj 17/2006).

U 2017.godine pod starateljstvom je bilo 23 maloljetnih lica i 86 punoljetnih lica.



U sklopu redovnih aktivnosti, poslova i ovlaštenja Organa starateljstva u 2018.godini planiramo posjete porodicama u kojoj se nalaze lica pod starateljstvom, kao i kontrola imovinskog stanja šticeenika. Sagledavat će se mogućnosti povrata djece u biološku porodicu, obzirom da je veći broj djece koja se nalaze pod starateljstvom smješteno u ustanove socijalne zaštite ili u druge porodice. Iste aktivnosti će se provoditi i za punoljena lica koja su pod starateljstvom, a koja se nalaze u ustanovama socijalne zaštite. Osim toga, sagledat će se mogućnosti vraćanja oduzete poslovne sposobnosti za punoljetna lica pod starateljstvom kod kojih je došlo do značajnog poboljšanja psiho-fizičkih sposobnosti.

Maksimalno ćemo u staranje o licima pod starateljstvom uključiti školske ustanove, kada su u pitanju djeca, odnosno zdravstvene ustanove ukoliko su u pitanju odrasla lica pod starateljstvom. U toku 2017.godine saradnja sa zdravstvenim ustanovama u pogledu liječenja, hospitalizacije i sl. kada su u pitanju naši odrasli šticeenici je poboljšana i zadovoljni smo istom, te ćemo nastojati da i u 2018.godini ostane tako. Isto tako, radiće se sa porodicom u cilju podizanja svijesti kod ljudi o načinu vođenja brige o vlastitoj djeci, što bi trebalo rezultirati manjim brojem djece pod starateljstvom i na smještaju.

2.4.2. USVOJENJE

Usvojenje je poseban oblik porodično – pravne zaštite djece bez roditelja ili bez odgovarajućeg roditeljskog staranja, kojim se zasniva roditeljski odnosno srodnički odnos. U pogledu zbrinjavanja djece bez roditeljskog staranja potpunom usvojenju se daje prednost u odnosu na ostale oblike zbrinjavanja, prvenstveno jer kod usvojenja dijete ima mogućnost da odrasta u porodici, čija se podobnost za staranje o djetetu posebnom pažnjom ispituje uzimajući u obzir materijalne, stambene, zdravstvene prilike te porodice, sa naročitim akcentom na motiv za usvojenje i psihološke osobine usvojitelja, a djetetovo zbrinjavanje u toj porodici je trajnog karaktera.

U 2017.godini podnesen je 32 zahtjeva za potpuno/nepotpuno usvojenje djeteta, a u istoj godini je zasnovano jedno potpuno usvojenje.



U 2018.godini bit će izvršena redovna kontrola analiza zahtjeva koji su zaprimljeni prethodnih godina, te eventualno obavještanje podnosioca istih o trenutnom stanju u ovom Centru po pitanju usvojenja, obaveza prema ovom Centru i sl.

2.4.3. STARATELJ ZA POSEBAN SLUČAJ

U toku 2017. godine ovaj organ zaprimio je 79 zahtjeva za postavljanje staratelja za poseban slučaj. U većini slučajeva radi se o postavljanju staratelja za lica kojima je nepoznat boravak, kada se rješava pitanja zemlje i upisa iste. Međutim, imamo i zahtjeva po službenoj dužnosti, kao i zahtjeva za regulisanje pitanja ličnih dokumenata, otvaranje računa kod banke i sl. **U 2018. godini očekuje se povećan broj ovakvih zahtjeva, jer imamo i predmeta koje rješavamo po službenoj dužnosti (naročito kada su u pitanju djeca koja se nalaze na smještaju u ustanovi i kada im je potrebno regulisati prijavu boravka, putnu ispravu i sl.) kao i broj podnešenih zahtjeva od strane advokata, a samim tim povećat će se i obim poslova, kao i materijalni troškovi ove ustanove, obzirom da se za svaki zahtjev mora izvršiti provjera kroz matične urede i MUP, a ukoliko se ustanovi da neka lica imaju navedenu adresu van granica BiH to je dodatan izdatak, obzirom da se provjera mora vršiti i u drugim zemljama.**

2.4.4. NERATNI INVALIDI

U 2018.godini po Zakonu o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH, br. 36/99, 54/04 i 39/06) planiraju se okončati zahtjevi stranaka koji su podnešeni u decembru mjesecu 2017.godine za ostvarivanje prava na ličnu invalidninu, dodatak za pomoć i njegu od strane drugog lica i ortopedski dodatak.

U 2018.godini i dalje će se primati zahtjevi stranaka za ocjenu oštećenja organizma te prosljeđivati Institutu za medicinsko vještačenje.



Po službenoj dužnosti upućivat će se predmeti kojima je obaveza kontrolnog pregleda, donositi rješenja po nalazu donešenom na kontrolnom pregledu, također će se kompletirani predmeti upućivati Federalnom ministarstvu na reviziju.

Trenutni broj korisnika ovog prava je 904.

2.4.5. CIVILNE ŽRTVE RATA

Trenutni broj korisnika koji ostvaruju pravo kao CŽR-a je 222.

U narednoj godini određen broj rješenja odnosno prava po rješenju će biti ukinut zbog završetka školovanja korisnika prava, dok će supruge poginulih CŽR koje su napunile 55 godina moći podnositi zahtjeve.

2.4.6. MATERIJALNE POMOĆI

2.4.6.1. STALNA NOVČANA POMOĆ

Primjenjujući odredbe člana 10., 11. i 14. Zakona o socijalnoj zaštiti, zaštiti CŽR-a i zaštiti porodice sa djecom USK-a /“Sl glasnik USK“, broj 5/00 i 7/01/, broj korisnika stalne novčane pomoći u 2017.godini iznosio je 55, a iste godine odlukom Vlade USK-a došlo je do povećanja naknade za stalnu novčanu pomoć.

U narednoj godini planiramo i dalje djelovati tako što ćemo poboljšati postojeću suradnju sa predstavnicima mjesnih zajednica u cilju preventivne zaštite starih ljudi, a koji nemaju bližnjih srodnika koji bi vodili brigu o njima.

Do sada su nam mnogo pomagali sami građani i pojedinci iz mjesnih zajednica na identifikaciji novih korisnika. I dalje ćemo surađivati sa predstavnicima mjesnih zajednica i drugim ustanovama kao i građanima u cilju poboljšanja situacije naših korisnika, kao i drugih lica koji se nađu u stanju socijalne potrebe.



Napominjemo da isplata stalne novčane pomoći nije redovna, te da je do dana pisanja ovog plana tačnije u decembru 2017.godine isplaćena stalna novčana pomoć za mjesec juni 2016. godine iz čega je vidljivo da je položaj lica koja ostvaruju ovo pravo krajnje nepovoljan. Trenutna dugovanja kantonalnog ministarstva prema ovim korisnicima su 60.368,75.

2.4.6.2. JEDNOKRATNE NOVČANE POMOĆI

Jednokratna novčana pomoć se dodjeljuje za stanje socijalne potrebe uslijed smrti jednog ili više članova porodice, za pomoć u opremanju dženaze za korisnike socijalne pomoći, za liječenje teško oboljelih lica, ta za druga stanja socijalne potrebe, a iznosi najviše 35% prosječne plaće. Osobi koja se nađe u stanju izuzetne socijalne potrebe može se dodijeliti i privremena novčana pomoć.

U toku 2017. godine ovaj organ je zaprimio 150 zahtjeva za regulisanje jednokratnih novčanih pomoći, a što je manji broj u odnosu na 2016.godinu. Razlog tome je što više korisnika ostvaruje pravo na ličnu invalidninu, pa ukoliko korisnik ima stalna primanja, Centar za socijalni rad Cazin pokušava udovoljiti onim zahtjevima gdje u porodici nema redovnih i stalnih primanja.

Za ovaj vid materijalne pomoći finansijskim planom za iduću godinu je planirano 45 000 KM što je dosta veći iznosu odnosu na predthodne godine. Također, i u 2018.godini kao i do sad očekujemo da će Ministarstvo zdravstva, rada i o socijalne politike odobriti sredstva za JNP namjenjenu porodicama sa djecom, a u sklopu obilježavanja Dječije nedjelje.

2.4.7. PORODIČNA ZAŠTITA

Osnovni cilj u radu sa porodicom je sačuvati, jačati i unaprijeđivati porodicu kao cjelinu, kad god je i gdje god je moguće, a u skladu toga je i zaštita pojedinih članova porodice. Međutim, kad to nije moguće onda porodici treba pomoći da se na što bezbolniji način razvede brak i zaštite djeca.



Plan za 2018. godinu je uložiti maksimalne napore da se postigne sporazum o odlučivanju bračnih drugova o podizanju zajedničke djece i obavljanju poslova od interesa za bračnu zajednicu. Pod tim pitanjima bračnim drugovima je potrebno pružiti pomoć naročito kada se među njima jave nespোরазumi i konflikti, kojih je u zadnje vrijeme sve više, a najčešći uzroci su teška materijalna situacija i konzumiranje alkohola. Takođe ćemo nastaviti pomagati roditeljima da odgovorno vrše roditeljske dužnosti i prava. Usmjeriti pojačan rad sa roditeljima koji zanemaruju svoje roditeljske dužnosti, prava i obaveze u pogledu staranja za porodicu i psihofizički razvoj djeteta (zanemarivanje brige o zdravlju djeteta, o pravilnom vaspitanju, te uspjehu u obrazovanju u skladu sa mogućnostima roditelja). Isto tako ćemo pružiti odgovarajuću pomoć roditeljima u realizaciji materijalnih, socijalnih i drugih ličnih pitanja.

2.4.7.1. POSTUPAK POSREDOVANJA

Stupanjem na snagu novog Porodičnog zakona koji se primjenjuje od 28.12.2005.godine u nadležnosti Centra stavljen je postupak posredovanja prije razvoda braka.

U toku 2017. godine ovaj organ je zaprimio 61 zahtjev za pokretanje postupka posredovanja.

U toku 2018. godine i dalje planiramo raditi na postupku posredovanja po zahtjevu stranaka, kao što smo i u zakonskoj obavezi, ali također namjeravamo prilikom samog postupka kroz savjetodavne razgovore roditeljima ukazati na činjenicu da su oni i dalje roditelji svoje djece, te da je u najboljem interesu kako njihove djece, tako i njih samih, da održavaju međusobne dobre odnose kako bi razvod braka imao što manje posljedice. Takođe se očekuje i više rada sa djecom kao i ostalim pitanjima koja se tiču mlđb. djece.

Da bismo roditeljima koji su pred razvodom braka ukazali kakav utjecaj na djecu može imati razvod braka, koliko je od značaja da roditelji pepoznaju eventualne teškoće koje se mogu javiti kod djece kao i da ih informišemo kako da djecu obavijeste o razvodu, pored direktnog savjetovanja svaki par u toku postupka će dobiti letak na kojem će biti obavješteni o navedenom. Izrada letaka je u toku te će se početkom sljedeće godine početi koristiti.



2.4.7.2. NASILJE U PORODICI

U toku 2017. godine kod JU Centra za socijalni rad Cazin evidentirano je 28 slučajeva nasilja u obitelji, i to uglavnom učinjeno nasilje nad ženama i djecom. Uvidom u evidenciju Centra utvrđeno je da su prema prema počiniocima nasilja izrečene zaštitne mjere od strane suda za 11 slučajeva.

Što se tiče nasilja nad djecom i u 2018. ćemo nastaviti suradnju sa školom, Centrom za mentalno zdravlje i Policijskom upravom, te uporedo raditi sa porodicom i djecom, a za slučajeve koji su prijavljeni u 2017. godini nastaviti kontinuirano raditi i u 2018. Također ćemo intenzivnije raditi i na prevenciji sa porodicama koje su u riziku, a slabog su materijalnog stanja, imaju članove koji su lica sa psihičkim smetnjama. Što se tiče osoba koje su sklone konzumiranju alkohola njih ćemo upućivati u Centar za mentalno zdravlje radi pružanja pomoći u liječenju.

Za ovaj vid zaštite nisu obezbijedena potrebna sredstva, ali zaštitu žrtavama nasilja ponudila je Sigurna kuća koja djeluje na USK, i našla je razumijevanje, te u toku 2017. godine na zahtjev Centra, privremeno je bila smještena jedna žrtva nasilja

U 2018. godini će se u cilju implementacije člana 40. Zakona o zaštiti od nasilja u porodici /“Službene novine FBiH“ br.20/13/ voditi i dalje evidencija po pratećim obrascima na osnovu pravilnika o sadržaju i načinu vođenja evidencije o izrečenim zaštitnim mjerama, osobama koje su štice zaštitinom mjerom i o nasilnima osobama kojima su izrečene zaštitne mjere.

Plan za 2018. je i u suradnju sa gradskim organom uprave i NVO obezbjediti uvjete za rad sa nasilnicima, a što je zadatak Centra za socijalni rad na osnovu Protokola o postupanju nadležnih institucija u slučajevima nasilja u porodici za općine USK.



2.4.8. NAKNADE ŽENI MAJCI U RADNOM ODNOSU

Naknade ženama majkama koje su u radnom odnosu je osnovno pravo porodice sa djecom koje je regulisano odredbama federalnog Zakona o osnovama socijalne zaštite, zaštite civilnih žrtava rata i zaštite porodice sa djecom, kantonalnog Zakona o socijalnoj zaštiti, zaštiti civilnih žrtava rata i zaštiti porodice sa djecom, kao i Zakonom o radu.

Prema važećim odredbama, majke koje su u radnom odnosu za vrijeme dok odsustvuje s posla imaju pravo na naknadu plate u visini od 50 % njene prosječne plate ostvarene u periodu od 6 mjeseci prije porođaja. JU Centar za socijalni rad Cazini ove naknade obračunava i isplaćuje na osnovu gore navedenih zakonskih odredbi, kao i uputstva o provođenju istog zakona.

Izmijenjenim zakonskim odredbama Zakona o socijalnoj zaštiti, isplatu naknade porodiljama vrši samo poslodavac uz refundaciju sredstava, odnosno ukinuta je mogućnost da isplatu naknade vrše centri.

U 2017. godini, tačnije do dana pisanja ovog plana, podneseno je 82 zahtjeva za regulisanje naknade ženi majci u radnom odnosu. Kao i ostale isplate, isplate za majke porodilje u radnom odnosu kasne, te je u zadnja isplata bila za februar mjesec 2015.godine, a resorno ministarstvo je za ovaj vid zaštite porodilja samo našem Centru dužan isplatiti 908.078,73 KM. Obzirom na ovoliki dug i kašnjenje isplata od skoro dvije godine očekujemo veliki broj tužbi od strane poslodavaca.

Kroz izmjene zakona o socijalnoj zaštiti očekujemo da majke porodilje u radnom odnosu i njihova prava budu regulisane samo kroz Zakon o radu, eventualno kroz Zakon o zdravstvenoj zaštiti, te da se isplate ovih naknada vrše sa federalnog nivoa, što bi osiguralo redovitost isplata, kao i istu visinu naknada na svim kantonima.

I u 2018.godini ćemo kao i do sad apelirati na Ministarstvo i Vladu USK-a na rješavanje ovog problema.



2.4.9. JEDNOKRATNE NOVČANE POMOĆI ZA ZA ŽENU – MAJKU KOJA NIJE U RADNOM ODNOSU

Novčana pomoć za ženu – majku koja nije u radnom odnosu ostvaruje se u vidu jednokratne pomoći u iznosu od 100, 00 KM, a ista se isplaćuje najkasnije mjesec dana od dana podnošenja zahtjeva.

Obzirom da je ovo pravo koje je ograničeno sa novčanim sredstvima koja se obezbjeđuju iz Budžeta USK-a i koje je decidno određeno zakonom ne postoji mogućnost povećanja ove jednokratne novčane pomoći dok se ne promijene zakonske odredbe. Iako se proteklih godina govorilo o promjeni zakona koji reguliše ovu oblast, do promjena nije došlo.

Zaključno sa danom 13.12.2017. podnešeno je 86 zahtjeva za ostvarivanje prava na jednokratnu novčanu pomoć za vrijeme porođaja žene-majke koja nije u radnom odnosu po kantonalnim propisima i iz kantonalnog budžeta.

Do pisanja ovog programa zadnja isplata istih bila je za mjesec juli 2017. godine. Obzirom na velik period neisplaćivanja ovog vida socijalne zaštite, ovaj Centar smatra, pošto se radi o jednokratnoj novčanoj pomoći u iznosu od 100, 00 KM, da bi se ove naknade trebale isplaćivati redovnije. Dugovnja resornog ministarstva za ovaj vid zaštite majki porodilja iznosi 6.100,00KM.

2.4.10. SMJEŠTAJ PUNOLJETNIH LICA U DRUGU PORODICU

U skladu sa članom 31 Zakona o osnovama socijalne zaštite, zaštite CŽR-a i zaštiti porodice sa djecom, pravo na smještaj u drugu porodicu mogu ostvariti djeca i odrasla lica kojima je potrebna stalna briga i pomoć radi zadovoljavanja njihovih životnih potreba, a ne mogu ih ostvariti u krugu vlastite porodice ili na drugi način. O smještaju u drugu porodicu odlučuje nadležni centar za socijalni rad, koji hranitelju reguliše naknadu za porodični smještaj.

U 2016. godini naknada za smještaj u drugu porodicu iznosila je 200,00 KM odnosno 300,00 KM za lica sa posebnim potrebama. Visina ove naknade nije promijenjena od 2004.godine iako su troškovi života drastično porasli.



U istoj godini Centar je na porodičnom smještaju imao četvero odraslih lica. Bitno je naglasiti da postoji potreba za ovim vidom smještaja, ali nema dovoljno porodica u koje se mogu smjestiti lica, odnosno porodice se teško odluče da budu na raspolaganju za ovakav vid smještaja, obzirom da su naknade malog iznosa, a lica koja idu na smještaj su pretežno lica o kojima je potrebno konstantno voditi brigu.

U 2018.godini primjenjivaće se Zakon o hraniteljstvu te smo u obavezi prisustvovati edukacijama koje će se organizovati kao i primjenjivati navedeni zakon.

2.4.11.SMJEŠTAJ U USTANOVU SOCIJALNE ZAŠTITE – PUNOLJETNA LICA

U skladu sa članom 32. Zakona o socijalnoj zaštiti, zaštiti CŽR-a i zaštiti porodice sa djecom pravo na smještaj u ustanovu socijalne zaštite mogu ostvariti djeca i odrasle osobe kojima je potrebna stalna briga i pomoć u zadovoljavanju njihovih životnih potreba, a koje ne mogu ostvariti u vlastitoj ili u drugoj porodici, ili na neki drugi način. Ovaj vid zaštite financira se iz budžeta Kantonalnog ministarstva zdravstva i socijalne politike Bihać.

Tokom 2017.godine u ustanovu socijalne zaštite Centar je smjestio jedno lice. Potrebe za ovom vrstom smještaja su daleko veće, međutim ustanove su uglavnom popunjenog kapaciteta. Na području našeg kantona postoji jedna lokacija Ustanove Sumero, tačnije u Bosanskom Petrovcu u kojoj imamo smještena tri štićenika. Ustanova Sumero je otvorenijeg porodičnog tipa, gdje štićenici imaju mogućnost da samostalno vrše određene radnje, a u svrhu što bolje adaptacije i pokušaja resocijalizacije, kao i pružanja prilike za vođenje normalnog i funkcionalnog života.

U 2018.godini planiramo obilazak svih ustanova u kojima su smješteni štićenici JU Centra za socijalni rad Cazin, radi sagledavanja uslova u kojima borave kao i opcija za povratak štićenika u porodice ili premještaj u Sumero. Tim povodom planiramo intenzivno vršiti razgovore sa porodicama štićenika kako bismo sagledali sve mogućnosti njihovog povratka, resocijalizacije i adaptacije u životnu zajednicu. Također, namjeravamo sagledati mogućnost povratka štićenika u hraniteljske porodice i u lokalnu zajednicu, te na taj način vršiti proces deinstucionalizacije, odnosno smanjivanje broja lica u ustanovama socijalne zaštite i prelazak na drugi oblik smještaja koji je pogodniji i prihvatljiviji za štićenike, kako



bi imali mogućnost za vođenje normalnog života u lokalnoj zajednici, svojoj porodici ili hraniteljskoj porodici.

Treba naglasiti da se na globalnom nivou sve više izbjegava smještaj u ustanove socijalne zaštite kako bi se šticienicima pružili, što je više moguće, uslovi za porodični život i okruženje.

Također, u toku 2018. očekuje se povećana potreba za smještajem u ustanove socijalne zaštite, upravo zbog socioekonomskog stanja u društvu, kao i sve veće nebrige od strane srodnika, kao i obaveznika izdržavanja članova porodice.

2.4.12.SMJEŠTAJ MALOLJETNIH LICA U USTANOVU SOCIJALNE ZAŠTITE

U toku 2017. godine na smještaju u Centru za djecu bez roditeljskog staranja „Duga“ u Kulen Vakufu bilo je sještano troje djece. Po službenoj dužnosti Centar je sjestio dvoje djece u JU SPŽZ Bihać gdje trenutno na smještaju se sad nalazi 16-oro djece.

Na ostalim predmetima rađeno je kontinuirano u saradnji sa ustanovama i Kantonalnim ministarstvom zdravstva, rada i socijalne politike Bihać. Međutim, i u toku 2018. godine očekuje se povećan rast potrebe za ovakvim vidom socijalne zaštite, a jedan od razloga je socioekonomsko stanje u društvu i sve veća nebriga srodnika i obveznika izdražavanja članova porodice. Ovo upućuje na zaključak da je sve odsutnija solidarnost, humanost i druge pozitivne društvene vrijednosti u porodicama koje su prevenstveno obavezne voditi brigu o svojim srodnicima, kao i to da je u porodicama prisutno nasilje nad malodobnom djecom. Na ovu činjenicu upozorili smo i ranije, te su se prognoze i ostvarile.

JU Centar za socijalni rad Cazin i u toku 2018.godine planira posjetiti šticienike u JU „SPŽZ“ Bihać i to po svim lokacijama gdje imamo smještenu djecu, kao i redovne posjete Centru za djecu bez roditeljskog staranja „Duga“ u Kulen Vakufu.

Napominjemo da dugovanja nadležnog ministarstva za plaćanje troškova smještaja maloljetnih i odraslih lica u ustanove socijalne zaštite iznose 137.898,45 KM.



2.4.13. SMJEŠTAJ MALOLJETNIH LICA U DRUGU PORODICU

Tokom 2018. godine očekuje se porast broja djece koja bi mogla biti smještena u drugu porodicu, a da bi se takav smještaj i oblik zaštite radio u najboljem interesu djece potrebno je prije svega povećati naknadu porodici koja prima dijete na smještaj. Ukoliko bi se postiglo povećanje naknade, samim tim bi bilo lakše pronaći odgovarajuće porodice koje bi se brinule o mladb. djeci, pa i kada su u pitanju djeca sa posebnim potrebama, obzirom da jedno takvo dijete imamo smješteno u porodičnom smještaju.

Dalji plan u 2018. godini je raditi na tome da se što više djece smjesti u porodicu u odnosu na ustanovu, jer je porodični smještaj bolji oblik zaštite za djecu bez roditeljskog staranja. U toku 2017. godine nismo imali novih zahtjeva za porodični smještaj, a kontinuirano se radi sa porodicama kod kojih već imamo smještenu djecu.

Dugovanja resornog ministarstva za naknadu za porodični smještaj za maloljetna i punoljetna lica iznosi 7.2000,00KM.

2.4.14. ZAŠTITA DJECE OMETENE U PSIHOFIZIČKOM RAZVOJU

2.4.14.1. Ocjenjivanje sposobnosti, razvrstavanje i evidencija djece i mladih sa posebnim potrebama

Za 2018.godinu planirana je i dalja procjena od strane komisije za kategorizaciju, a to će nam sada, pretpostavljamo, biti olakšano obzirom da su u ovoj godini u općinama Bihać i Cazini opremljeni Centri koji će zadovoljavati sve standarde za praćenje, razvoj i unaprijeđenje inkluzije. Primarni korisnici ovog Centra su djeca od rođenja do 18 godina hronološke dobi, roditelji djece sa poteškoćama, članovi njihovih porodica, te svi sudionici u razvoju inkluzivnog društva (kroz usluge Centra znanja).

U toku 2017.godine naša Ustanova je uspostavila dobru i blisku suradnju sa Centrom za razvoj inkluzivnih praksi što planiramo i u narednoj godini.



2.4.15. MALOLJETNICI U SUKOBU SA ZAKONOM

Kako je novi Zakon o zaštiti i postupanju s djecom i maloljetnicima u krivičnom postupku stupio na snagu u februaru 2015g. i prema kojem su Centru u nadležnost stavljene dodatne obaveze izvršena je obuka službenih lica koja će raditi s maloljetnicima. Prema novom Zakonu maloljetnicima se mogu izreći odgojne preporuke (između ostalog isprika oštećenom, redovno pohađanje škole, rad u korist humanitarne organizacije i sl). U toku 2017.godine izrečeno je 5 odgojnih preporuka te jedna odgojna mjera, a u istoj godini provodile su se iz odgojne preporuke iz 2016.godine te je u 2017.godini ukupno se provodilo 18 odgojnih preporuka.

Centar je sklopio i sporazum o suradnji sa JKP „Čistoća“ d.o.o. Cazin o provođenju odgojne preporuke „Uključivanje u rad bez naknade, u humanitarne organizacije ili poslove socijalnog, lokalnog ili ekološkog sadržaja“ te će se u 2018.godini početi sa provođenjem ove preporuke.

Određeni broj maloljetnika koji su prekinuli srednjoškolsko obrazovanje izrazili su želju da pohađaju seminar za sticanje određene kvalifikacije, što se može omogućiti maloljetnicima preko biroa rada, te ćemo u narednoj godini pokušati uspostaviti saradnju sa biroom rada kako bi pohađali željene kurseve, a u cilju smanjenja pojave recidivizma maloljetnika i osposobljavanja kao funkcionalnog člana društva.

Izrazito je važan i rad sa osobama iz socijalne okoline maloljetnika, posebno s porodicom, školom, firmama koje nude zaposlenje i sl.

U narednoj godini je bitno raditi i na primarnoj prevenciji maloljetničke delinkvencije u kojoj će sudjelovati porodica, škola, lokalna zajednica, sportski klubovi, vjerske i nevladine organizacije i sl.

2.4.16. DUŠEVNI BOLESNICI

U Zakonu o zaštiti osoba sa duševnim smetnjama, uloga Centra se navodi uglavnom kada se radi o trajnom smještaju takve osobe u ustanovu socijalne zaštite, međutim, i pored toga, Centar se sa svakodnevnom radu susreće sa problemima ovih osoba i njihovih porodica.



U 2017. godini Centar za socijalni rad Cazin, u suradnji s Centrom za mentalno zdravlje i policijom, je intenzivno radio na rješavanja problema duševnih bolesnika (i ovisnika). Aktivnosti su uglavnom bile usmjerene na liječenje duševnih bolesnika i rad s porodicom.

U 2018.godini i dalje planiramo surađivati sa gore pomenutim institucijama u rješavanju problema, kao i pomoći duševnim bolesnicima i njihovim porodicama. Također nadležnom ministarstvu će se ukazati na ovaj problem kao i svake godine, a posebno oko regulisanja i olakšavanja procedure oko vankantonalnog liječenja i smještaja u ustanove socijalne zaštite. Kako smo u našem radu primjetili da neuropsihijatri često za duševne bolesnike preporučuju oduzimanje poslovne sposobnosti prije završenog liječenja za narednu godinu planiramo zajedno sa Centrom za mentalno zdravlje tražiti od ministarstva vankontonalno liječenje ovih osoba na duži period, a prije odluke o oduzimanju poslovne sposobnosti. Međutim, problem smještaja duševnih bolesnika, odnosno brige o njima, ukoliko to porodica ne može, i dalje će biti „problem“ Centra.

2.4.17. ZDRAVSTVENA ZAŠTITA

Vlada USK-a je 29.06.2005. godine donijela odluku broj 03-017-1804/2005 o utvrđivanju prava na zdravstveno osiguranje socijalno ugroženih osoba. Po navedenoj Odluci pravo na zdravstveno osiguranje putem Centra za socijalni rad mogu ostvariti osobe čiji prihodi po članu domaćinstva ne prelazi iznos od 20% prosječne plate ostvarene u Federaciji BiH protekle godine i koje ovo pravo ne mogu ostvariti drugom osnovom, a spadaju u neku od sljedećih kategorija:

- trudnica i porodilja sa djetetom uzrasta do 6 mjeseci (ukoliko se brine o djetetu)
- osoba sa invaliditetom, kao i dijete nesposobno za samostalan život i rad od prije 15. godine života dok ta nesposobnost traje
- osoba kod koje postoji sumnja na zarazne bolesti u periodu diagnostike i liječenja.



Pravo na zdravstveno osiguranje priznaće se bez obzira na imovinski status osobi koja je oboljela od:

- cerebralne paralize,
- leukemije,
- malignih oboljenja,
- inzulno ovisnog dijabetesa
- TBC i
- Celijaklija.

Također, 11.02.2016. godine Vlada USK-a je donijela odluku o izmjenama i dopunama odluke broja 03-017-1804/2005 od 29.06.2005. godine, kojom se navedena odluka proširila a određene kategorije i to:

- teški duševni bolesnici koji zbog prirode i stanja bolesti mogu ugroziti svoj život ili život drugih lica, ili pak oštetiti materijalna dobra, a nalaze se ili su se nalazili na bolničkom liječenju pod šifrom bolesti: F20 i svim podtačkama (F20.0 do F20.9)
- ovisnici o teškim drogama, registrovanim u centrima za mentalno zdravlje, odnosno odjelu neuropsihijatrije za vrijeme detoksikacije i liječenja
- lica oboljela od epilepsije, te davaoca i primaoca organa.

Treba spomenuti da su lica oboljela od zaraznih bolesti navedenom Odlukom o izmjenama i dopunama Odluke izvedenih iz prava na ostvarivanje prava na zdravstvenu zaštitu o čemu smo pismenim putem obavijetili nadležno ministarstvo, te do danas nismo dobili odgovor na poslani upit. U 2017. godini planiramo intenzivirati suradnju sa svim ustanovama radi što bržeg prikupljanja potrebne dokumentacije da bi lica koja imaju pravo, što brže ostvarila pravo na zdravstvenu zaštitu.

Lica nakon navršenih 65 godina života i djeca do polaska u školu također imaju pravo na zdravstveno osiguranje, ako isto ne mogu ostvariti po drugom osnovu, a u skladu sa Izmjenama i dopunama Zakona o zdravstvenoj zaštiti („Sl.novine FBiH“, broj 70/08).

U 2017. godini smo zaprimili 200 zahtjeva za priznavanje ovog prava. Ukupan broj korisnika zdravstvenog osiguranja u 2017. godini je iznosio 849.



U 2018. godini, kao i u ranijim godinama vršiti će se stalna kontrola korisnika, te će biti izvršena revizija korisnika kojima su ova prava priznata ranijih godina, a naročito lica koja su starija od 65.godina.

U 2018. godini očekujemo povećanje broja osiguranih lica preko JU Centar za socijalni rad obzirom da se povećava broj neosiguranih lica koja ne mogu ostvariti pravo na zdravstvenu zaštitu ni po kom drugom osnovu.

2.5. TERENSKI RAD

U sklopu obavljanja gotovo svih djelatnosti u Centru za socijalni rad Cazin terenski rad je nezaobilazan dio poslova. Veliki broj postupaka i rješenja je moguće okončati samo nakon obavljenih terenskih posjeta porodicama, na osnovu kojih se izrađuju stručna mišljenja tj.socijalne anamneze. Terenski podaci su neophodni i u postupcima izrade mišljenja koja se dostavljaju sudu u postupcima povjere mladb.djece, oduzimanja poslovne sposobnosti i roditeljskog prava, postupcima prema maloljetnicima, itd.

U 2017. godini obavljeno je ukupno 225 terenskih posjeta, a sve terenske posjete se organiziraju na početku radnog dana i u skladu sa potrebama radnika koje isti iskazuju kroz sljedeću tabelu:

RASPORED IZLAZAKA NA TEREN

Datum

ZAPOSLENIK (Ime i prezime)	LOKACIJA IZLASKA NA TEREN	RAZLOG IZLAZKA NA TEREN	DATUM UPISA	DATUM KAD JE TEREN OBAVLJEN



2.6. FINANCIJSKI PLAN

Budžet JU Centar za socijalni rad Cazin za 2018.godinu je uvršten u Budžet Grada Cazina. Za iduću godinu planirano je da budžet JU Centra za socijalni rad Cazin iznosi 1.527.400,00 KM.

Broj:

Datum: